

24 апреля 2020 года

ПАСХА

Светлая Пятница

**Последование вечерни
для домашнего (келейного) совершения**

Молѣтвами святѣх отѣц наших, Господи Иисусе Христе, Боже наш, помилуй нас. **Аминь.**

Тропарь, глас 5:

Христос воскрес из мертвых, / смертию смерть поправ / и сущим во гробех живот даровав. Трижды.

Стих 1: Да воскреснет Бог, и расточатся врази Его, / и да бежат от Лица Его ненавидящие Его.

Христос воскрес из мертвых, / смертию смерть поправ / и сущим во гробех живот даровав.

Стих 2: Яко исчезает дым, да исчезнут, / яко тает воск от лица огня. Христос воскрес: единожды.

Христос воскрес из мертвых, / смертию смерть поправ / и сущим во гробех живот даровав.

Стих 3: Тако да погибнут грешницы от Лица Божия, / а праведницы да возвеселятся. Христос воскрес: единожды.

Христос воскрес из мертвых, / смертию смерть поправ / и сущим во гробех живот даровав.

Стих 4: Сей день, егже сотвори Господь, / возрадуемся и возвеселимся в оны. Христос воскрес: единожды.

Христос воскрес из мертвых, / смертию смерть поправ / и сущим во гробех живот даровав.

Слава Отцу и Сыну и Святому Духу.

Христос воскрес из мертвых, / смертию смерть поправ / и сущим во гробех живот даровав.

И ныне и присно и во веки веков. Аминь.

Христос воскрес из мертвых, / смертию смерть поправ / и сущим во гробех живот даровав.

И паки:

Христос воскрес из мёртвых, / смертию смерть поправ / и сущим во гробех живот даровав.

Господи, помилуй, 12.

Слава, и ныне:

ГОСПОДИ, ВОЗЗВАХ, ГЛАС 8-й.

Господи, воззвах к Тебё, услыши мя. Услыши мя, Господи.

Господи, воззвах к Тебё, услыши мя: вонми гласу молёния моего, внегда воззвати ми к Тебё. Услыши мя, Господи.

Да исправится молитва моя, яко кадило пред Тобою, воздеяние руку мою — жертва вечерняя. Услыши мя, Господи.

На 6: Аще беззакония назириши, Господи, Господи, кто постоит? Яко у Тебё очищение есть.

Вечернюю песнь, и словесную службу, Тебё, Христё, приносим, яко благоволил еси помиловати нас Воскресением.

Имене ради Твоего потерпех Тя, Господи, потерпё душа моя в слово Твое, упова душа моя на Господа.

Господи, Господи, не отвержи нас от Твоего лица, но благоволи помиловати нас Воскресением.

На 4: От стражи утренния до нощи, от стражи утренния да уповает Израиль на Господа.

Радуйся, Сионе Святый, матери церквей, Божие жилище, Ты бо приял еси первый, оставление грехов, Воскресением.

Яко у Господа милость, и многое у Него избавление, и Той избавит Израиля от всех беззаконий его.

Еже от Бога Отца Слово, прежде век Родшееся, в последняя же времена, Тобже от Неискусобрачныя воплощшееся волею, распятие смертное претерпё: и древле умерщвлённого человека спасё Своим Воскресением.

На 2: Хвалите Господа вси языцы, похвалите Его вси людие.

Еже из мёртвых Твое Воскресение славословим Христё, имже свободил еси Адамский род от адова мучительства: и даровал еси миру яко Бог жизнь вечную и велию милость.

Яко утвердися милость Его на нас, и истина Господня пребывает во век.

Сла́ва Тебе́, Христэ́ Спа́се, Сы́не Бо́жий Единоро́дный, пригвозди́вшийся на Крестэ́, и воскресый из гроба́ тридне́вен.

Сла́ва, глас то́йже:

Тебе́ сла́вим, Го́споди, во́лею нас ра́ди Крест претерпе́вшего, и Тебе́ покланя́емся, Всеси́льне Спа́се, не отве́ржи нас от Лица́ Твоего́, но услы́ши и спаси́ ны Воскресе́нием Твои́м, Человеколю́бче.

И ны́не, Богоро́дичен, глас то́йже:

Царь Небе́сный за человеколю́бие на земли́ яви́ся, и с челове́ки поживе́: от Де́вы бо Чи́стыя плоть прие́мый, и из Нея́ прошедый с восприя́тием. Еди́н есть Сын, сугу́б естество́м, но не Ипоста́сию. Те́мже соверше́нна Того́ Бо́га и соверше́нна Челове́ка вои́стину пропове́дающе, испове́дуем Христа́ Бо́га на́шего: Егóже моли́, Ма́ти Безневе́стная, поми́ловатися душа́м на́шим.

СВЕТЕ ТИХИЙ

Свёте ти́хий святи́я сла́вы, Безсме́ртнаго, Отца́ Небе́снаго, Свята́го Блаже́ннаго, Иису́се Христэ́. Прише́дше на за́пад со́лнца, ви́девше свет вече́рный, поём Отца́, Сы́на и Свята́го Ду́ха, Бо́га. Досто́ин еси́ во вся времена́ пе́т бы́ти гла́сы преподо́бными, Сы́не Бо́жий, живо́т да́й, те́мже ми́р Тя сла́вит.

Прокі́мен вели́кий, глас 8: Дал еси́ достоя́ние боя́щимся Тебе́, Го́споди.

Стих 1: От ко́нєц земли́ к Тебе́ воззва́х.

Дал еси́ достоя́ние боя́щимся Тебе́, Го́споди.

Стих 2: Покры́юся в кро́ве крил Твои́х.

Дал еси́ достоя́ние боя́щимся Тебе́, Го́споди.

Стих 3: Та́ко воспою́ и́мени Твоему́ во ве́ки.

Дал еси́ достоя́ние боя́щимся Тебе́, Го́споди.

Го́споди, поми́луй. 40.

Сла́ва, и ны́не:

Сподо́би, Го́споди, в вече́р сей без греха́ сохра́нѣтисѣ нам. Благослове́н еси́, Го́споди, Бо́же оте́ц на́ших, и хва́льно и просла́влено И́мя Твое́ во ве́ки. Ами́нь.

Бу́ди, Го́споди, ми́лость Твоя́ на нас, я́коже упова́хом на Тя. Благослове́н еси́, Го́споди, научи́ мя оправда́нием Твои́м. Благослове́н еси́, Влады́ко,

вразуми мя оправданием Твоим. Благословен еси, Святыи, просвети мя оправдании Твоими.

Господи, милость Твоя во век, дел руку Твоею не презри. Тебе подобает хвала, Тебе подобает пение, Тебе слава подобает, Отцу, и Сыну, и Святому Духу, ныне, и присно, и во веки веков. **А**минь.

Господи, помилуй. **12.**

Слава, и ныне:

Стихира на стиховне воскресная, глас 8:

Возшел еси на Крест, Иисусе, снизшедый с Небес, пришел еси на смерть, Животе Безсмертный, к сущим во тьме Свет истинный, к падшим всех Воскресение, просвещение и Спасе наш, слава Тебе.

Стихиры Пасхи, глас 5:

Стих: Да воскреснет Бог, и расточатся врази Его.

Пасха священная нам днесь показася: Пасха нова святая, Пасха таинственная, Пасха всечестная, Пасха, Христос Избавитель, Пасха непорочная, Пасха великая, Пасха верных, Пасха, двери райския нам отверзающая, Пасха, всех освящающая верных.

Стих: Яко исчезает дым, да исчезнут.

Приидите от видения, жены благовестницы, и Сиону рцыте: примите от нас радости благовещения Воскресения Христова; красуйся, ликуй и радуйся, Иерусалиме, Царя Христа узрев, из гроба, яко Жениха, происходяща.

Стих: Тако да погибнут грешницы от лица Божия, а праведницы да возвеселятся.

Миросицы жены, утро глубоко, представша гробу Живодавца, обретоша Ангела, на камени сидяща, и той, провещав им, сие глаголаше: что ищите Живаго с мертвыми? Что плачете Нетленного во тли? Шедше, проповедите учеником Его.

Стих: Сей день, егже сотвори Господь, возрадуемся и возвеселимся вонь.

Пасха красная, Пасха, Господня Пасха, Пасха всечестная нам возсия. Пасха, радостью друг друга обьем. О Пасха! Избавление скорби, ибо из гроба днесь, яко от чертога возсияв, Христос жены радости исполни, глаголя: проповедите апостолом.

Сла́ва, и ны́не:

Воскресе́ния день, и просвети́мся торже́ством, и друг дру́га обы́мем; рцем: бра́тие, и ненави́дящим нас прости́м вся Воскресе́нием, и та́ко возопи́м: Христо́с воскресе́ из ме́ртвых, сме́ртию смерть попра́в и су́щим во гробе́х живо́т дарова́в.

Христо́с воскресе́ из ме́ртвых, сме́ртию смерть попра́в и су́щим во гробе́х живо́т дарова́в. Трижды.

Утверди́, Бо́же, святу́ю правосла́вную ве́ру правосла́вных христиа́н во век ве́ка.

Христо́с воскресе́ из ме́ртвых, сме́ртию смерть попра́в и су́щим во гробе́х живо́т дарова́в.

Отпу́ст

Христэ́, воскресый из ме́ртвых, сме́ртию смерть попра́вый и су́щим во гробе́х живо́т дарова́вый, и́стинный Бо́же наш, моли́твами Пречи́стыя Твоея́ Ма́тере и всех святы́х, поми́луй и спаси́ нас, я́ко Благ и Человеколю́бец. Аминь.

Христос Воскресе! Воистину Воскресе!

Христо́с воскресе́ из ме́ртвых, сме́ртию смерть попра́в и су́щим во гробе́х живо́т дарова́в. Трижды.

И нам дарова́ живо́т ве́чный, покланя́емся Егó тридне́вному Воскресе́нию.

Вели́каго господи́на и отца́ на́шего Кири́лла, Святе́йшаго Патриа́рха Моско́вскаго и всея́ Руси́, и господи́на на́шего высокопреосвяще́ннейшаго **и́мярек, митрополи́та [**или́: архиепи́скупа; или́: преосвяще́ннейшаго и́мярек**, епи́скупа] [**его́же есть о́бласть**], настоя́теля, бра́тию и прихо́жан свята́го хра́ма на́шего, домоча́дцы на́ша и вся правосла́вныя христиа́ны, Го́споди, сохрани́ их на мно́гая ле́та.**